

روسيده له حقيقي وضعيت

له ټو تروچکي نك

آلمانجه نشر اولنان ائرنندن ترجمه

برلين 1929

« زونه » مطبعه - برلين



روسیه ده حقیقی وضعیت

هندستان، تالاندها، لیا، طاعنه، مسوری
 ی، مسوری، آئنده، ادلا، ن
 له، نو، تروچکی، نک، طاعنه، مطالعه، سی
 آلمانجه، نشر، اولنان، اثرندن، ترجمه، اسم، اکتوبر، یانتر، اول
 ختم، ارلده، کی
 مبله

برلین 1929

«زونه» مطبعه، سی

مقل م

(تروچکی) نك «روسیه ده حقیقی وضعیت» نامنده کی اثرندن
اقتباسله نشر ایتدی کمز بو ترجمه نك بو کونکی سوویت حقنده نشر
ایدلش بولونان صایسز اثرلردن تعامیله آیری بر خصوصیتی واردر.
بو نه سوویت دشمنلری طرفندن، نه ده اونك مداحلری معرفتیه
یازلش بر اثره بگزره.

معلوم اولدیغی اوزره، آوروپا ایله آمریقاده مختلف لسانلرده،
مختلف آداملر طرفندن سوویت روسیه سی حقنده بر چوق کتاب
یازلمشدر. ترجمه ایتدی کمز بو اثر ایسه — دیدی کمز کبی — بونلرک
هیچ بریسه بگزمز. مؤلفنک موقعی بونی اثباته کافیدر.

تروچکی بی، له نین ایله برابر، سوویت روسیه سنک اساسنی
قویان و قیزیل اوردوی تشکیل ایدهن «ناواریش» له ئو تروچکی بی
کیم یلمز! ...

له نیندن صوکره کن دیسنی قومونیزمک و بولشه ویزمک اک بویوک
لیده ری کبی کوره ن و بعضاً حتی له نینک برنجیلکنی ییله بر طاقم
قیدلرله قبول ایدهن تروچکی، شیمدی، له نیندن صوکره، اداره بی
آلنه کچیرمش بولونان استالین طرفندن فرقه دن چیقارتدرلمش،
تورکستان چینی حدودنده کن دیسنه منفی بر حیات یاشاتدرلدقن
صوکره، مضر بر عکس اختلالجی کبی، شیمدی ده سوویت
حدودی خارجینه طرد ایتدرلمشدر.

کندیسی ایله برابر، استالین ره ژیمنه قارشی مخالفته کچن زینوویف و رادهق کبی لیده رلرک تکرار فرقه بوروسنه، یعنی استالینه، التجا ایله ملرینه رغماً، تروچکی، کندیسی قومونیزمک حقیقی لیده ری صفتیله کورمکده و طرفدارلرینه معنوی رهبرلک ایتمکده در. «وهرنی» نامنی طاشیان منفاسنده یازدیغی مکتوبلر، مقاله لر، بعضاده کتابلرله او، کندی طرفدارلرینی وضعیت حاضره حقدمه تنویر و نه یایمق لازم کلدیکی خصوصنده اونلره دیره کتیفلر ویرردی. بو جمله دن اولق اوزره یازدیغی شو جلد و قتيله خفی صورتده باصیلارق روسیه داخلنده توزیع اولونمشدر. صواکرم تروچکیستلرک تعقیبنه باشلانجه بو کتابده طوبلاتندرلش، فقط بوندن بر نسخه سی، بر یولنی بولارق، آلمانایه قدر کلمش و بوراده آلمانجه یه ترجمه اولونارق، „Avalun-Verlag Hellerau“ کتبخانه سی طرفدن نشر ایدلمشدر.

بز بو مهم کتابک بعضی اقسامنی ترجمه و نشر ایتمه قرار ویررکن نه تروچکی ته زلرینک مدافعه سنی، نه ده اونک استالین طرفدارلری ایله اجرا ایتدیکی مناقشه نك حقلی اولوب اولمادیغنی نظره آلمش دکلز. مقصدمز — هیچ شبهه سز — بو کونکی روسیه داخلنده کی حقیقی وضعیته، دوتدیغی موقع اعتباری ایله هر کسدن زیاده واقف اولاجنی محقق بولونان بر ذاتک «روسیه ده کی وضعیت حقدمه» کی معلوماتنی شرق محافل سیاسی و افکار عمومی سه بالخاصه تورکجه اوقور قارئلره بیلدرمکدر. بو معلوماتک حقیقی ده گرینه هیچ بر خلل ویرمه مک ایچون بز، ترجمه ایتدی کمز فصللری نه تفسیر، نه ده تنقید ایدیورز.

سويلهيك، دون قيزيل اوردو باش قوماندانى، سوويتلرك
حريه و بحريه قوميسرى، له نينك آرقداش و جهان قومونيزمك
ليدهرى، بوگون — منضوب و مطرود اولسده — قومونيزم
اختلالنك ايده آليستيك عمده لريني اصرارله مدافعه ايدهن «اورتو-
دوقسال قومونيزم» طرفدارلرينك ييلماز رئيسى له ئو تروچكى
(بره نشاين) اولديغنى نظره آلارق، نتيجه يى محترم قارملر كنديلرى
چيقارسينلر!

له ئو تروچكى يى ناصل سور مشلردر

بونی بيلمك، سوويهت روسيهده حاكم اولان. بو كونكى ره ژيمك قاراكتهرينى آكلامق ايچين مفيددر. سوزى اونك كنديسنة براقالم. (*) تروچكى كنديسنة تطبيق اولنان نقي ره ژيمك تفصيلاتنه كچمه دن، مخالفت صيراسنده بولنوبده وقتيله قوممونيست فرقهسى ايله اختلال حركتنده مهم روللر ايفا ايتمش بولونان بولشه ويك رجالك مقدراتدن بر نبذه آكلايور. تروچكى ديوركه:

«اسكى اوقتوبر انقلابى رهبرلى سونكونده يولداشلىرىك طويلادقلى اعانه لرله ياشايورلر. بونلر نقي اولونانلرله مخصوص اولارق ويريلن آيده 30 روبله لق بر تعيينات ويريليور. قوممونيست رئيسلرندن Smilga، نقي اولنديغى محله اوطه لرك كاملاً «نه پمان» (**) لر و جانيلر طرفدن دوتولمش اولديغندن، تك بر اوطه يى 25 روبله مقابلنده تايمين آيده بيلشمدر.

«مخالفت رئيسلى G.P.U. نك امرى ايله طبقي چار دورنده اولديغى كى سورولمشلردر. بونلر 24 ساعت ظرفنده حركته حاضر لانمق ايچين آماده اولمالرينه عائد امر آلمشلردى. ايلك غروپ

(*) بو تفصيلاتى (تروچكى) روس قوممونيستلرندن بريسك مکتوبى نقل صورتبه حكايه ايدىيور.

(**) نه پ دورند تجارته باشلايان آليش و يریشجيلر و يريلن بر اسم كه اورتودوقس قوممونيستلر لسانده تحقير مقامنده قوللانيلر،

اولارق 50 كىشى كوندريلمشدى. بونلر ايچرىسندە لەنينك وفاتتە قدر اوقراينا حكومتى و اوقراينا قوممونيست فرقهسى سياسى بوروسنك رئيسى اولان Rakowski؛ يەنە لەنينك وفاتتە قدر قوممونيست ائترناسيونالى و مركزى قوميتەسنىك اعضاسى و 1902 دىن اعتباراً لەنين فرقهسنىك اعضاسى و قوممونيست ائترناسيونالى مؤسسلىرىدىن اولان Karl Radek؛ «سىبرىيانىك لەنينى» عنوانى تاشيان و ايلك دفعە اورادە سوويەت حكومتى تاسيس ايدىن، سىبرىيا قوميتەسنىك رئيسى I. N. Smirnow؛ اوقتوبر كونلرىندە موسقوودە انقلابچى عسكرلر تشكىلاتنىك اعضاسى بولونان V. N. Smirnow؛ اوقتوبر انقلابنىك موسقوودە كى باشچىلىرىدىن Sapronow؛ 1903 دىن اعتباراً فرقه اعضاسى اولان، اورالده اوقتوبر انقلابنى تاسيس ايدىن و لەنينك زمامتە فرقه كاتىبى اولان Preobrajenski؛ 1920 دىن اعتباراً لەنين زمامتە قدر فرقه كاتىبى بولونان Serebriakow؛ فىنلاندىيادە اوقتوبر انقلابنى اداره ايدىن و لەنيننىك وفاتتە قدر روس قوممونيست تشكىلاتنىك اعضاسى اولان Smilga؛ 1903 دىن فرقه اعضاسى، «پراودا» غزەسنىك مؤسسلىرىدىن بىرى و لەنينك وفاتتە قدر اونىك (يعنى «پراودا» نىك) باش محررى Sosnowski؛ لەنين زمانى اوقراينا فرقهسى كاتىبى Rafail و برچوق دىكرلرى وار ايدى. منقارل چار دورندە كى سوركون محللرى ايدى. G.P.U. مأمورلرى يوقارىدە ذكر اولونان ذواتى منقارلرغە آيرى-آيرى سورمىلىرىدى. بو آدملىر سوركون اولدىقلىرى يره كندى حسابلىرىغە كىتمك ايستەمىلىرىدە، 30 لىره تخصىصات آليورلر، ديه بو رجالىرى قبول ايدىلمەمشدر. ايشك باشلانغىچدە سورمىك عملەسندە بر تصنيف ياپمىق ايستەدىلر.

Radek بر غروپ آرقاداشلر ايله برابر هېنك بر شكلده كوندريلمه-
لرينى طلب و تصنيفى پروتستو ايتمك مقصديله مركزى قوميتيه
اكتيديكى زمان فرقه كاتىبى اونلره: «نه دوشونيورسنگز، مركزى
قوميتيه ايله مى آلاى ايدىيورسنگز؟ اگر سيز مساوات رجاسنده
بولونيورسنگزه، او زمان هېنگزى G.P.U. يه ويره جكز» سوزلريله
رد ايتمشدى.

اك صوگده سوق ايدىلن Troçki ايدى. اونك كوندريلمه سى
شو صورتله واقع اولمشدى: كانون تائينك 16 سنه قدر چين حدودنده
بولونان توركستان شهرلرندن «Verne» يه حركته مهيا اولماسنى
كنديسنه امر ايتمشلردى. موسقوا عمله لرى بوندن خبردار اولدقلرندن
استاسيونه كيتمك ايچين يله تدارك ايتمش و شو صورتله استاسيون
تره نك حركتى زمانى عمله لرله دولمشدى. طويلانمش عمله نك
مقدارى تقريباً 10,000 ايدى.

بو خصوصه معلومات آلان G.P.U. امرينى دكيشمش و
تروچكى نك حركتنى تاخيره اوغراتمشدى. عمله لر تروچكى نك
تره نده اولماديغنه اينانمبور و تره نك حركتنه مانع اولمق ايچين تام
4 ساعت رايلىك اوزرنده دورمشلردى. فقط تروچكى نك بوكون
حركت ايتميه جكنى ايشيدنجه عمله لر اونى خلاص ايتمك ايچين
اوينه كيتديلر. بونى خبر آلان G.P.U. تروچكى نك اوينى محاصره
آلته آلوب 47 كيشى بى توقيف ايتديرمشدى. مقرر 18 كانون ثانى
ناريخندن بر كون اول، G.P.U. مأمورلى تروچكى نك اوينه كلش
و حركتنى عجله بر صورتده امر ايتمشلردى. تروچكى حركت كوتك
18 ينه قرار ويريلىدىكنى درميان ايدرك حركتنى امتناع و يوله

چيځماق ايچين داها حاضر لانماديځني كتاب و اشيا سني طويلاماديځني سويله دي؛ پوليس مامورلري ايسه، اوني جبرا سوروكليه جكلريني سويله مشلردي. فقط تروچكي عناد ايديوردی: بونلر تروچكي نك پالتوسني آلوب كينديسيني زورله طيشاريه چيقارمق ايسته ديلىر. زوجه سي يلدېكلريندن بريسي ايله تلفونله كوروشمك ايسته ركن قابا بر صورته منع ايديلىدى. پدريني مدافعه ايتمك ايسته ين اوغلي (تروچكي نك اوغلي) طوقات مجادله سنده مغلوب ايديلمشدى.

نهایت تروچكي زورله طيشاريه سوروكلنمش و بر اوتومويله قونيلارق اعظمي سرعتله موسقوانك 40 ميل اوزاقلغنده بولونان Faultowo استاسيونته كوتورلمشدى. بوراده بر چوق عسكرلرله برلكده بر واغون بولمه سنه يرلشديريلمشدى. يولده خسته لنمش و Samara شهرنده تره ني توقيف ايتديره رك طبيب جلبنه لزوم حس ايديلمشدى. ايسته تروچكي شو صورته نقي ايديلمشدى.

«تروچكي» علاوه ايديور:

«موسقواده حبس ايديلىن آرقاداشلري فجييع بر حالده درلر. قادينلر، جاني و اخلاقسز قادينلرله بر دائره ده بولنمقده درلر. ار ككلر ايسه حيدود و يانكسيجيلر ايله بر آراده درلر. بونلر اقربا و تانيشلىرندن كيمسي يي قبول ايتمه مه ليدرلر. پك فنا يمك آلور و خارجدن يمك كتيريلمه سنه دخي مساعده ويرميورلر. شبهه سز، بونلردن بر چوغى بو ره ژيم تحتنده محو اوليورلر.

بوكون حكومت، مخالفتك دائما سويله ديكي اقتصادي مشكلاته دوچار اولديغندن بو مشكلاتك مسيبي اولمق اوزره مخالفتي

كوسترمك ايستورلر. و كيم ييلير بلكه ياقين بر زمانده مخالفتي
تعقيب ايچين، بونلر ساده جه اعدام واسطه لرينه دخي مراجعت
ايدم جكلردر.

II

«استالين» ك سياستي .

قومونست فرقه سنك كاتب عموميسي سوويهت روسيه نك
بوكونكي حقيقي ديكتاتوريدر. تروچكي تنقيدلرينك كافه سني او كا
توجيه ايله مش و بوكونكي سياستي، رقيب نك مخالفت «تروچكيزم»
نامني ويره سنه مقابل، «استالينيزم» صفتيله لقبه ندرم شدر.

«تروچكي» استاليني ذاتاً قومونيزمك مرشدي (له نين) ده
سه ومزدي فكريني تأيد ايدن بعض وقعه لر ذكر ايله باشلايان
فصلنده «استالينيزمي» شويله تعريف ايديور:

«شوراسي محققدركه، استالين كاتب عمومي انتخاب ايديلديكي
كوندن اعتباراً له نيني بر اندیشه آلمشدي. 10نجي قونفره اتناسنده
له نين اعتماد ايتديكي آرقاداشلر نزدنده «بو آشجي بزه بپرلي ريمك
ياپا جقدر» ديوردی. له نينك اداره سي آلتنده چالیشان سياسي بوروده
و له نين ارکاني حضورنده كاتب عمومي ايكنجي بر رول اوينوردی.
فقط له نينك خسته لنديني ساعتدن اعتباراً وضعیت دكيشمه يه باشلادی.
سياسي رهبرلر ك كتابت طرفندن انتخابي و مسؤل موقطر ك
استالينچيلر طرفندن اشغالي، بريم سياسي نقطه نظريمزله آصلا
مناسبتی اولمايان بر تجارت حالي آلمشدي. بو حادثه له نيني،

ټوله جگني حس ايتديکي زمان فرقه يه خطاباً يازدينې وصيت نامه سنده
 «استاليني اوزاقلاشديرک بو فرقه يي پارچه ليه حق و خرابه زاره
 دونده ره جکدر.» ديمه سنه اساس تشکيل ايتمشدی. فرقه بو، وصيتدن
 خبردار اولمادی، الککنمش بوروقراسي له نينک بو مکتوبني صاقلادی.
 بونک نتیجه لريني ايسه، بز بوتون بويواکلکي ايله کورمکده يز.
 حاکم غروپ، هر شيئي زور لاق صورتيله آلدۀ ايدۀ بيله جکته
 قانعدر. بو درين بر خطادر. ناموسلي بر صنف سياسته تابع اولماسي
 شرطيله، زور لاق اصولي انقلاب زماني بويوک بر رول اوينايله بيلير.
 بولشه ويکلرک بورژوازي، مهنشه ويکلر و سوسيال ره ووليوسيونرله
 قارشي استعمال ايتديکي دميقي بر تاريخي شرائط تحتندۀ جريان
 ايدن زور لاهه سياستي معظم حادثات دوغوردی. حالبوکه (کدره نسکي)
 و (سهره تللي) نک بولشه ويکلره قارشي زور لامالري قومپروميسچي
 (مسامحه کار) اصول اداره نک انحلالني تسريع ايتدی. فقط شيمدی
 حاکم بولونان غروپ ايسه کندی فرقه لرينه قارشي تشکيل و خوف
 واسطه لريله نفی و تبعيد، حبس و ايشدن آل چکديره يي استعمال
 ايدیورلر. عمله تشکيلاتنه منسوب اعضا لر کندی تشکيلات محللرنده
 فکر لريني آچيق سويله مکدن قورقيورلر. وجدانه انطباق شيمدی
 قورقوليدر. پروله نريانک ديکتاتورلغني تمثيل ايتديکني فرض ايدن
 بريم فرقه، بر بوروقراسي ديکتاتورلغني ايله تهروريزه ايديلمکده در.
 فرقه يي تهروريزه ايتديکلري ايچين اونلر کندی فعاليت لريني
 ضعيفلشديريورلر. فقط بر اداره استناد ايتديکي تشکيلاتدن مستقل
 بر حياتله ياشا ياماز. فرقه اداره سنده او فرقه نک سياسي استقامتي
 عکس ايتمه ليدر. بو سياسي استقامت صوک سته لرده متردد بر وضعيته

بوانمشدر. فرقه‌نك مالك بولونديغي صنفك يوره كي و حرکت قوتي
 صولدن صاغه دوغرو صارصيلمشدر. پروله‌تەردن اوافق مستحصلره ،
 غير متفنن عمله‌لردن متخصصلره ، معتاد فرقه اعضاسندن وظیفه‌دار
 اعضايه ، جيفتجي لر و کوچوك كويلولردن قولاقلره و زنكين
 كويلولره ، شانغهای عمله‌لرندن چان-قاي-شه‌كلره ، چين كويلولرندن
 بورژوا جزالرينه ، انگليز پروله‌تەرياسندن Generalausseun, Hicks
 و Parçell و الاخره... ايسته استالينزمك ماهيتي بوندن عبارت
 بولنيور.

ايملك نظرده استالينك سياستي تماميله مظفر اولش ذهابي حاصل
 اولاييلير. استالين فرقه‌سنك ضربه‌سني صوله (موسقوا و له‌نين‌غراد)
 و صاغه (شمالی قافقاسيا) تقسيم ايتديكي كوزوكيور. حقيقتده ايسه
 بو تمرکز فرقه‌سنك بوتون سياستي صاغ و صولدن واقع اولان
 ايكي قامچي ضربه‌سنك آلتنده اداره ايديلمکده‌در. بو، صنف
 اساسلرندن واز كيچمش بوروقراتيك و تمرکز فرقه‌سي ايكي
 صنف خطي آراسنده ساللانمقده‌در. و پروله‌تەريادتەن کوچوك
 بورژوا سياستنه كيچمك پلانتی تعقيب ايتمکده‌در. فقط بو بوگا
 دوغرو بر خطله دکل ، متردد زيقزاقلره کيدیور. بز بو زيقزاق
 حرکتك بر نوعی كيچمشده يامشديق. قولاق و زنكين كويلولرك
 تضيقی ايله انتخابات حقتك توسيعی (صاغدن واقع اولان قامچي
 ضربه‌سي) و بالاخره بونك مخالفلرك تضيقی نتیجه‌سندن تطيقاتدن
 قالديريلمه‌سي (صولدن واقع ضربه) بالخاصه بو ترددی کوسته-
 مکده‌در. بز بو زيقزاق حرکتی متعدد دفعه‌لر عمله قانونی وضعنده ،
 اجرت سياستنده ، ويرکی سياستنده ، ملکيت شخصيه يه قارشی اجرا

ایدیلن سیاستده و دیکرنده کوردوڤ. فقط بوتون بو حرکتلرده صاغه دوغرو بر میل وارد. صوڤ مانیفهستک صوله متوجه بر ایزقراق حرکتی اولدیغنه شبهه ایدیلمهز. فقط بز کوزوموزی بر آن ایچین اولسون بو حقیقت قارشیسنده قاپاماملی یز. بو حرکتک عمومی سیاست استقامتنی دکیشدیرمه جکنه و حقیقت حالد — حتی یاقین بر استقبالد — وضعیته حاکم اولان مرکزک تعقیبی ایله صاغه متوجه اولاجغنه اینانمالی یز. «زنکینلشک» دیه کندیسنه خطاب ایدیلن قولاق، و زنکینلشمش کویلورله قارشى حاضر لانه مقدمه اولان بو کونکی «تحکیم ایدیلشمس هجوم» استقامت عمومیه یی تبدیل ایتیمه جکدر. یدی ساعتق ایش کونی ایچین هر سنه واقع اولان مطمئن وعدلری دخی دکیشدیره میه جکدر.

بو کونکی کچیجی رهبرلرک سیاسی استقامتی بو کبی منفرد احتکار جلوهری ایله تعیین ایدیلیمه جکدر. بالعکس بونی اونلرک مخالفت قارشى مجادله ایچین اطرافلرینه طویلامش اولدیقلری معیتلری یاپاجقدر. استالین سیستمی و استالین حاکمیتی واسطه سیله بو کون پروله ته ریات مبارزلرینک قوتی ازیلمش بولنیور. بوروقرات مساعیدن استفاده ایدنلر، مأمورلر، صنعت ایشلرینی اداره ایله مشغول اولانلر، یگی خصوصی سرمایه دارلر، شهر و کویلرده کی امتیازلی منورلر و بوتون بو عنصرلر — که قولاق و زنکینلشمش کویلوی نمونه اولارق ایلریده دوتیورلر — «اونوتما دوستم که شیمدی آرتیق 1918 سنه سی دکدر!» دیورلر. (*)

استالینک استهداف ایتدیکی غایه فرقه‌یی داغیتیق، مخالفت قوتلرینی طرد ایتمک و فرقه‌یی اعداملر اصولنه آلیشدیرمقدرد. حیا سز فاشیست چته‌سی، طوقات ضربه‌سی، طاش و کتاب آتیلما‌سی و حبس‌خانه پارماق‌لیقلری استالین اصولنک استهداف ایتدیکی غایه یولنده، بو کون معین بر مدت ایچین دوردینی نقطه‌در. فقط استقامت شیمدیدن تبین ایتمشدر. نیچین ioloschenokins, Senwerinski, Jaroslowski و دیگرلری مخالفلر ایله حکومت استاتیسیتقلرینه دائر ناموسکارانه بر مناقشه یاپدیقلری زمان، مخالفلردن بریسنک قافاسنه آغیر استاتیسیتیق جلدلرندن بریسنی فیرلاتمایه مساعده ایدیورلر. استالینیزم بو کبی حادثه‌لرده بوتون چیپلاق‌لی ایله انعکاس ایتمکده و هیچ بر شیئدن اوتانما‌م‌اقده‌در. بز تکرار ایدیورز، بو فاشیست اصولی دیگر صنفک اجتماعی امرلرینی کورجه‌سنه، ادراک‌سز بر صورتده ایفا ایتمکدن باشقه بر شیئی دکلدرد. مقصد ایسه مخالفت منسوبلرینی فرقه خارچنده بر اقمق و ممکن مرتبه اعداملرله محو ایتمکدر. «بز ینگلرجه خارجه آناجغز، یوزلرجه قورشونه‌دیزه جکر فقط نتیجه‌ده فرقه‌ده صلح یاپاجغز» صداسنی شیمدیدن ایشیتمک قابلدرد. بو قورقاق، زواللی و شیطنتله کوزلری قاپانمش انسانلردن یوکسه‌لن سسدر. بو «Termidor» ک سسیدرد. جبر و تحکمله، منفور بوروقراتیزمله کوزلری کور اولش اک فنا عنصرلر سایه‌سنده Termidor بوتون قوتیله انقلابک اقراضنی حاضر لامقده‌در. بونک ایچین‌ده اولنره ایکی فرقه لازمدر. فقط بوتون بو قبیل زورلامه‌لر ناموس-کارانه سیاسی بر استقامت قارشیسنده محو اولوب قیریلاجقدرد. بویله بر استقامتک وجوده کلمه‌سنده مخالفت صفرلنده کی انقلابجی

مارتلی متجانس بر حاله کله جکدر. استالین، ایکنجی بر فرقه
خوده کتیره میه جکدر. آیدین بر شکله فرقه یه سویله یورز: پروله تهر
کتاتورلنی تهله کده در. و بز صورت قطعه ده بیلورز که فرقه نک
وله تهر قسمی بزی ایشیدیور و آگلایور. و اونلرد که تهله نک
گنه کچه جکلرد. فرقه درین بر صورتده متأثر اولشدر و یارین
ها زیاده متأثر اولاجنه شبهه یوقدر. مخالفت صفی تشکیل ایدن
قاپ، بیک کیشی آرقاسنده ایکنجی و اوچنجی بر صف کلیور که
نلرده مخالفته سوق ایدیلمشلرد. و بونلرک آرقاسنده شیدیدن
م سسیمی ایشیدن و بزیم طرفمزه دوغرو حرکتده بولونان
یش عمله کتله سی موجوددر. بو جریانی کیری یه سوق ایتمک
کانی یوقدر. فرقه ده اولمایان عمله لر استالین چیلرک حقمزده
یله دیکلری یالان و بهتانلرینه اینانمادیلر. له نین غراده واقع
لان 17 اوقتوبر نمایشلرنده، چالیشان صنف انکشاف ایتمکده
لان بوروقراتیزم و تضییقلرینه قارشی ایسله دیکی ناراضیلغنی
کار صورتده کوستردی. پروله تهریات قطعی اولارق سوویه ت
کمیتی طرفداریدر فقط او باشقه بر سیاست ایستیور که، اونیده
می صورتده تطبیق ایده جکدر. اونلرک سیستمی ایسه بوگا قارشی
رتسزدر. اونلرک تشکیل واسطه لری شدت کسب ایتدی کچه مخالفت
العاده فرقه اعضا لری و علی العموم عمله صنفی نظرنده قوتلی
موقع احراز ایده جکدر. فرقه دن اخراج ایدیلن هر یوز مخالفه
شی فرقه یه بیک کیشی داخل اولاجقدر. اخراج ایدیلمش هر
مخالف کن دیسنی فرقه اعضا سی عد ایدیور و ایده جکدر. اونلر،
بقی بولشه ویک له نیستلرک آلدن فرقه ورقه سنی زورله آلیر و

بونلرك حائز اولديقلرى فرقهچيلك حقنى بر مدت ايچين غصب
 ايده ييلرلر. فقط بو صورتله هيچ بر زمان حقيقي بر قومونيست
 فرقه يه قارشى دويدينى وظيفه سنى ايفادن منع ايده مه ز. مركزي
 تفتيش قوميته سنده Mrachkowski, Jonson يه خطاباً: «اكر سنى
 فرقه دن اخراج ايدرلر سه نه ياباجقسك؟» سويله ديكي زمان يولداش
 مراچقووسكى: «بن دومنده دوراجق واسكيسى كبي ايلريله يه جكم»
 جوانى ويرمى. بز بولشه ويزمك Skuer نده دورمقده يز و اونلر
 هيچ بر زمان بزي بر طرف ايتمه موفق اولاميه جقلردر. بز اونى
 محكم بر صورتده دورمقده يز، اونلر بزي فرقه دن و چالیشان عمله
 صنقندن آيرامازلر. تضيقه بز عادت ايتديكمز كبي دوولمه يه دخى
 آليشميش زدر. سياسى پروگرامى، پروله نهر كتله سنى تضيق، بوتون
 مملكتلرك قومروميسچيلرى ايله قارداش و جهان بورژوازيى
 قارشيسنده مغلوب اولق جمله لريله افاده ايديلن استالين كبي بريسه
 بز اوقتوبر انقلابى ترك ايده مه يز. بونلر بزي استالين فرقه سى آلنده
 عاجز بر آلت ايتديكلرى فرقه قونفره سندن بر آى اول اخراج
 ايدىورلر. ۱۵نجى قونفره غالبا اونلرك بوروقراسى اصولنك اك
 پارلاق مظفريتلى اولاجقدر. حقيقتده ايسه بو اونلرك سياسى
 كميلرينك بوزولدوغنه بر علامت اولاجقدر. استالين فرقه سنك
 مظفريتى يابانجى صنف قوتلرينك انقلاب رهبرلرنك اوزرنده احراز
 ايتديكلرى مظفريت اولاجقدر. فرقه نك استالين طرفدن مغلويتى
 پروله نهر حاكميتنك مغلويتى ديمكدر. فرقه بونى شيمدى حس
 ايتمكده در. بز بونك داها صريح آگلاشيلماسنه يارديم ايده جكز.
 مخالفتك پروگرامى فرقه ماصاسى اوزرنده دورمقده در. ۱۵نجى

قونغره دن صوگره فرقه ده کی مخالفت شیمدیکندن داها زیاده قوت کسب ایده جکدر. عمله صنفک و فرقه نک شکایت لیسته سی ، استالینک بوروقراتیک شکایت لیسته سی ایله تطابق ایتمه مکده در. پروله تهریات یاواش فقط درین دوشونیور. بزیم پروغرام ایسه عملیه یی تسریع ایده جکدر. بو ایکی شکلدن برینک قبولی. بوروقراتلرک یومروقدن دکل ، سیاستک جریاتندن آصیلیدر. دون Preobra- Serebriakow jenski فرقه دن اخراج و Fischerlen و دیگرلرینی حبسه آندیقلری کبی بوکونده بزی مرکزی قومیتهدن چیقاریورلر. فقط بزیم پروغرام کندی یولنی بولاجقدر. بوتون جهان عمله سی مضطرب بر حالدہ صوراجق: «عجبا هانکی سیلردن دولایی اوقتوبر انقلابنک اونونجی ییل دونومنده بو انقلابک اک ایی مبارزلری حبس و تشکیل ایدیلیورلر؟ بو حرکتک آرقاسنده کیزله نن کیملردر؟ و هانکی صنف در؟ اوقتوبر انقلابینه مغلوب اولان صنفی؟ و یاخود اوقتوبر مظفریتنی دفن ایدن و اونی محو ایتمک ایسته یین صنفی در؟» (*)

III

سوویتلرده قاپیتالیزم سیسته می

صوک فرقه قونغره سنده اشتراک ایدن له نین ، نطقنده: «بز بوراده بر سنه مدتده دولت اقتدارینی ألزده تمرکز ایتدیردیک. عجبا یگی اقتصادی سیسته م بزیم مقصد و هدفمره دوغرو انکشاف ایتدیمی؟ خایر ایتمه دی. بونی اعتراف ایتمکدن ممنون اولیورم.

و یاخود شو صورتله خصوصی سرمایه به مربوطدر. تجارت و آل معمولاتی سرمایه سی آچیق و یاخود قابالی شکله آل مساعی سنی استثمار ایتمکده در که بوده. یگی بورژوازینک انکشافه اک مهم عامللردن بریسی تشکیل ایدر.

ویرکی، معاش، فیأت و قره دی ملی وارداتک توزیعنه باشلیجه سبیلردندر که بوده معین بر صنفک قونلمه سی. و دیگرینک ضعیفله مه سنی اتاج ایدیور.

کویده ویرکی اصولاً معکوس بر تناسبله طویلانمقده در: یعنی ضعیفلردن آغیر؛ قوتلی، قولاق، زنکین کویلوردن ایسه غایت خفیف بر صورتده ویرکی آلینیور. نسبی بر حسابله نظراً عموم وارداتک یوزده 18 ی سوویهت اتحادلرنده فقیر کویلونک یوزده 34 نی تشکیل ایدن قسمندن طویلانمقده در. وارداتک یوزده 18 نسبتی ایسه یوزده 7,5 تشکیل ایدن یوکسک صنف یعنی زنکین کویلورلر ویرمکده در. بو رقم لر بزه ویرکیلرک هر بر فقیر کویلو اوزرنده قولاقلردن داها آغیر بر صورتده بار اولدیغنی کوستر-مکده در. 14 نجی قونفرده رهبرلرک قورقدیغنی کبی، بزم ویرکی سیاستمز قولاقلری «یغما» ایتمه دی. بو اونک مدهش بر مقیاسده یاره و املاک طویلانمه سنه هیچ بر وجهله مانع اولامیور.

بودجه مزده کی غیر مستقیم ویرکیلرک اوینادیغنی رول فجیع بر صورتده مستقیم ویرکیلرک یرینی اشغال ایتمه کده در. دولایسیله ویرکینک آغیرلنی اوتوماتیک شکله قوتلی اوموزلردن ضعیف اوموزلره یوکلنمکده در. 1925-26 ده عمله لرک ویرکی به تابع دوتوله سی کیچن سنه لره نسبتاً ایکی دفعه یوکسلدیکی حالدده دیگر شهر اهالیسنک

ویرکیسی یوزده 6 یه تنزیل ایدیلمشدر. مسکرات ویرکیسی بوتون آغیرلغی ایله تماماً صنایع منطقه لری اوزرینه دوشمکده در. 1926؛ سنه سنده تزااید ایدیلمش وارداتی 1925 سنه سی وارداتی ایله مقایسه ایتمش اولورسه ق کویلو یه یوزده 19، عملیه 26، تجار و صنایع اربانه ایسه 46 اصابت ایتدیکنی کوره جکز. فقط کویلولر بللی باشلی اوچ غروبه تقسیم ایدیلیرسه او زمان زنکین کویلولرک وارداتی عمله لردن دفعه لرله فضله لاشدیغی صورت قطعه ده آگلایلیر. و ویریلن معلوماته رغماً، تجار و صنایع اربانک وارداتی ایسه مدهش بر شکله آرتمشدر. بو بویانمش رقم لر یله صنفلر میانده کی فرقلرک انکشافی کوسترمکه کافیدر.

* *

*

1927 ده کی حقیقی معاشر 1925 سنه سی صو ک بهارنده اولان معاشرلرک عینی در. فقط شوراسی شبهه سزدر که بو ایکی سنه مدتده مملکت زنکینلشمش و ملی واردات علی العموم آرتمشدر. قولاق زمره سی مملکتده اشغال ایتدیکی موقعی غایت سرعتلی بر صورته توسیع ایتمشدر. خصوصی سرمایه صاحب لری، تجار لر و مختکرلرک زنکینلکی انکشاف ایتمکده در. بناءً علیه مملکتک عموم واردته عمله صنفک اشتراکی دوشمش و عین زمانده دیگر صنفلرک اشتراکی یو کسلمشدر. بو حقیقت بزیم عموم وضعیتمزی تعین ایچین بویوک بر اهمیتی حائزدر. (*)

مملکتده صنف تشکله

صاغلام (له‌نین) سیاستی معین و مهارتلی بر مانوره یاپمای
 دخی احتوا ایدر. قایتالیست قوتلرله مجادله ایدرکن، صوگره‌دن
 داها زیاده مظفریتله ایلریله‌مک مقصدیله له‌نین بر چوق کره صنفی
 یوقلامه‌لری ایله بعض جهتلرده یوموشایوردی. مانوره یاپمق بو کونده
 لازمدر. چین‌دن بر هجومله مغلوب ایدیله‌میه‌جک دشمن قارشیسنده
 مانوره یاپمق و یاخود مصادمه‌دن چکینمک لازم کلدیکی زمان،
 له‌نین دائما پروله‌ته‌ر خطی اوزرنده قالدی. له‌نینک تحت اداره‌سند
 ایکن فرقه، مانوره‌لرک سبیلرینی یلیور. لزوم و اهمیتنی درک‌ایدیور
 و بو مانوره‌نک ایجاب ایتدیردیککی هدف و حدودلری آشماغه
 جرئت ایتیمور و عین زمانده یگیدن تعرضه کچمه حرکتک
 باشلاناجنی فرصتی‌ده یلیوردی. له‌نین زماننده رجعتک اسمی رجعت
 و یوموشامه‌نک اسمی‌ده یوموشامه ایدی. اونک ایچین‌ده مانوره یاپان
 پروله‌ته‌ریات اوردوسی دائما وحدتی، مجادله روحنی و قصد اولونان
 هدفی ادراک ایتمک خاصه‌سنی محافظه ایدیوردی. صوک زمانلرده
 له‌نینه مخصوص بو تجربه‌دن بزم رهبرلر رجعت ایتمشلردر. استالین
 غروپی فرقه‌نک کوزلرینی باغلا یاراق سوروکله‌مکده‌در. بو غروپ
 دشمنک قوتنی کیزلیور و هر یرده ایشه رسمی بر غالبیت شکلی
 ویریور، پروله‌ته‌ریاته ساده وضعیتی کورمکه مانع اولق دکل، اوکا
 یاگلش تصورلر ویریور. بونلر تاکتیک بر حرکت یاپاراق دشمن
 عنصرلرله مناسبت پیدا ایدیور.

حتی اونلره کندیلرینی سه و دیرمک ایستورلر. بو غروپ پروله تهر انقلاب اوردوسنک قوتی ضعیفلاتیور، فعالیتسزلیک انکشاف ایتدیریور، رهبرلره قارشو عدم اعتماد بسله تیور و انقلاب حاکمیتنه اولان ایمانی ئولدیریور. بونلر دایما «بو له نینک مانوره اصولی در» دییه اوتیه بری یه وقوع بولان صاللائیتلرینی ئورتکم ایستورلر. بونی ایسه کیمسه آکلامیور و دولایسیله بو حرکت فرقه نك قوتلرینی غائب ایتدیریور. بو حرکتدن چیقان یکانه نتیجه دشمنلرک وقت قازانارک ایلرله مه سیدر. موضوع بحث مانوره نك قلاسیق مثاللرینی استالین، بوخارین و ریفوف بین الملل ساحه ده، چین سیاستلرنده، انکلتره-روس قومیته سنک مذاکراتنده و داخلده قولاقلره (*) قارشو طاقیندیقلری وضعیتده کوستردیلر.

بوتون بو مثاللرده فرقه ایله عمله صنفی حقیقتی و یاخود حقیقتک بر قسمی آنجق بو یا گلش سیاستک اَلیم نتیجه لری قافالره دانغ ایتدیکن صوکره آکلایا یلمشلردی. استالین غروپنک بزیم فرقه سیاستنه صاحب اولدیقلری شو ایکنجی سنه نك نهایتنده بو غروپک آشاغیده کی حادثه لرک اوگنه کچمک! اقتدارنده اولمادیقلرینی کوستردی بو اقتدارسیزلق یوزندن:

I — مملکتک انکشافی قایتالیست قانالترینه سوق ایدن قوتلر چوغالدی.

(*) «قولاق» متغلبه معناسنده اولوب روس قومونست اصطلاحنده نسبتاً حال وضعیت یرنده بولونان کوی آغاسنه دهنیر.

II — چالیشقان صنف ایله فقیر کویلولر ضعیفلهندی. و بویگا، مقابل قولاقلر، نهپمانلر (*) و بوروقراتلر قوتلندی.

III — جهان قاپیتالیزمی ایله مجادلهده عمله دولتنک عمومی وضعیتنک اقتدارسزلغنی و سوویتلر اتحادی بینالملل پوزیسیوننک سقوطنی موجب اولدی.

استالین غروپنک اک بویوک خطاسی، فرقه و عمله صنفی ایله کویلولره وضعیت حقنده کی حقیقتلری سویلهمه یوب، اولان بیته نی صاقلامق، انکشاف ایتمکده اولان دشمن قوتلرینی استصغار ایله مک و بو حقیقتلری ئوکر نمکی طلب ایدنلر و سویله مک ایسته یه نلرک آغزلرینی قاپامقدر.

V

عمله لرك وضعیتی

بزیم 1925 سنه سی صوک بهارنه قدر یگی تأسیسات و انشاآته باشلاماز اجرتلرک سرعتلی صورتده انکشافنه سبب اولمش ایدی. فقط 1926 ده باشلایان اجرتلرک تنزیلی آنجق 1927 سنه سنک ابتدا سنده رفع ایدیلمش بولنیوردی. 1926-27 سنه مالیه سنک ایلک ایکی ربعنده آیلق اجرتلر بویوک صنایعده موسقوا روبله سی ایله 1925 سنه سنده 29 روبله 68 قوپک مقابلنده 30 روبله 67 قوپک و 30 روبله 35 قوپکی تشکیل ایدیوردی. تقریبی حسابلره نظرآ سنه نک اوچنجی ربعنده

(*) نه پمان بولشه ویاک اصطلاحنجه یگی اقتصادی سیاست تطبیقی نتیجه سنده تجارتله اشتغال ایدوب زنکین کچینن یگی بورژواآله ده نیلیور.

اجرتلر 31 روبله 62 قويكدن عبارتدي. ديمك، حال حاضرده حقيقي اجرتلر 1925 سنه سنده اولان اجرتلر خذا سنده قالمشدر. شبهه سز بعض عمله زمره لر ينك بر طاقم صنايع منطقه لر نده — موسقوا و له نين غراده — اجرتلري و وضعيت ماليه لري بو متوسط حسابدن فضله در. بو كا مقابل يك مهم عمله طبقه لر ينك مادي وضعيتي ايسه بو متوسط حسابك چوق دوتنده در. بوندن ماعدا بوتون استاتيسي تقيمر اجرتلرك آرتقمده اولان استحصالاته نسبتله كريده قالد يغي انبات ايتمكده در. مساعينك شدتي آرتديغي حالده مساعي شرائطنك فئالغي عيني شكلده قاليور. اجرتلرك تز ييدي مساعي قوتنك شرائطنه مربوط در. سوسياليست انكشاف ي جرياني ايله غير قابل تفريق اولان بو تمايل، مركزي قوميتنه نك معروف قرارنامه سي ايله داها زياده قوتلندي ريلمشدي. بو قرار دور دنجي سوويت قونفره سي طرفدن دخي قبول ايديلمش بولنيورد ي. تعقيب ايديلن بو سياستك معناسي ته كنك بر انكشاف نتيجه سنده وجوده كلن رفاهك اجرتلر اوزرنده مؤثر اولماسي عملنه نك چوق محدود بر صورتده آرتماسي، چالیشان عائله افراد ينك آزانماسي ديمكدر. 1924—1925 دن اعتباراً عمله عائله لر ينك مصارف بودجه سي حقيقي روبله يه نظراً سقوط ايتمشدر. مسكن فئاتلر ينك آرتماسي عمله لري اوتورد قلري أولرك بر قسمي كيرايه ويرمكه مجبور ايتمشدر. ايش سز عمله لر بلا واسطه و يا خود بالواسطه عمله بودجه سنك اوزرينه يوكلنمكده در. مسكرات استعمالنك سريع بر صورتده آرتماسي ده عمله بودجه سنه يوك اولقمده در. عموميتله عمله حياتنك پريشان اولديغي كورمكده يز. شيميكي حالده استحصالات ساحه سنده تطبيق ايديلمك ايسته نيلن راسيوناليزاسيون

سیاستی تطبیقات نتیجه‌سندہ خارجہ قالان عملہ‌یی ایشہ آلق مقصدیلہ صنایع و تجارت توسیع ایدیلمزسہ، عملہ صنفنک وضعیتی داها فنا بر صورتندہ سقوط ایدہ جکدر. تطبیقاندہ راسیونالیزاسیون عملہ‌یی «طیشاری‌پہ آنمق» لہ نتیجہ‌لنیور کہ دولایسیلہ عملہ‌لرک مادی وضعیتی داها زیادہ فنا لاشیور. بودہ عملہ کتلہ‌سنک راسیونالیزاسیونہ عدم اعتمادینی موجب اولیور. مساعی شرائطنک نتیجہ‌لرندن اک زیادہ متضرر اولان زمرہ عملہ صنفنک اک ضعیف غروپنی تشکیل ایدن متخصص اولیان عملہ‌لر، معین موسملردہ چالیشانلر و قادینلرلہ کنج‌لردر. 1926 دہ بوتون صنایع شعبہ‌لرندہ قادین اجر تلیرنک ار کک‌لرینکینہ نسبتاً آزالدیغی وقوع بولمشدی. غیر متخصص عملہ‌لر میاتندہ صنایعک معین اوچ شعبہ‌سندہ 1926 سنہسی مارتندہ قادینلرک اجر تلیر ار کک‌لر- ینکینہ نسبتاً یوزدہ 51,8، 61,7 و 83 نسبت تشکیل ایدیوردی. Torf صنایعی، تخلیہ، تحمیل و دیگر ایشلردہ چالیشان قادینلرک اصلاحنہ معطوف هیچ بر تشبندہ بولونولمادی. کنج عملہ‌لرک اجر تلیر عمومی عملہ اجر تلیرنہ نسبتاً دائماً سقوط ایتمکدہ‌در.

1923 دہ بو اجر تلیر 47,1، 1924 دہ 45,0، 1925 دہ 43,4، 1926 دہ 40,5 و 1927 دہ 39,5 تشکل ایدیوردی.

1926 سنہسی مارتندہ کنج عملہ‌دن یوزدہ 49,5 ندن چوق آز بر قسمی آیدہ 20 روبلہ‌دن فضلہ اجرت آلیوردی. هر بر صنایع مؤسسہ‌سندہ بولوناجق کنج عملہ‌نک موجود عملہ مقدارینہ نسبتلہ معین بر نسبتدہ بولونماسی حقندہ کی قانونک الغاسی چالیشان کنج عملہ ایلہ عملہ عائلہ‌لری اوزرینہ ایندیریلمش آغیر بر ضربہ ایدی. ایشسیر کتجلرک مقداری مدہش بر تزايد کوستر مکدہ‌در.

تارلا ایشی

تارلاده مشغول اولان اوچ بیچق میلیونه قریب اجرتلی عمله دن 1,600,000 ی یاردیمجی ارکک و قادیندر. بو یاردیمجی عمله دن یالگز یوزده 20 سی عمله تشکیلاتلر نده اورغانیزه ایدیلمشدر. دولت طرفدن عقد ایدیلمش اجرت مقاوله لری او درجه ده آشغیدر لر که عادتاً پراتیک کوله لکه معادلدر. تارلا عمله لرینک اجرتی قانونی مینومومه نابعدر. بو حال دولت چیفتلیکلر نده ییله واقعدر. وسطی اولارق حقیقی اجرتلر حربدن اولکی وضعیتک یوزده 63 نسبتدن یوقاری چیقماقده در مساعی ساعتی ایسه نادرأ اون ساعتدن آشغی اولیور. اکثریأ مساعی ساعتلی حدود سزدر. تأدیه سی تحمل ایدیلمه ز بر مشکلاتله اجرا اولونان اجرتلر ییله غیر منتظم بر شکله ئوده نمکده در. اجیر عمله نك بو سفیل حالی غیر مترقی بر کویلو مملکتنده سوسیالیزمک قورولشنده کی مشکلاتدن ایلری کلن بر نتیجه دکدر، بلکه بو حال شبهه سز کویده یوکسک صنفلری دوشونه ن و آشغی صنفلری اهمال ایدن یا گلش بر سیاستک نتیجه سندن حصوله کلمشدر. بز بو اجرتلی عمله لری حمایه ایتمک مقصدیله اصول دائره سنده دکل، یالگز قولاقلره و زنکین کویلورله و بلکه ده متوسط کویلورله قارشی دخی تداییر اتخاذ ایتمه لی یز.

مسکن مسئله سی

عمله لره مخصوص نورمال مسکنک حجمی، شهر اهالیسک مسکندن داها کوچوکدر. بو جهتدن بویوک صنایع مرکز لرنده

بولونان عمله ، اهاالينك اك فنا، وضعيته بولونان قسمنى تشكيل ايدر. متعدد شهرلرده مختلف اجتماعى غروبلره ياشامق ايچين تقسيم ايديلن مسكنلر تقيقى نتيجه سنده شونلرى ئوكره نيوريز: صنايع عمله لرينه: 5,6 مربع مترو، فكر ايله چالیشان مؤسسه عمله لرى ايچين 6,9، صنعتكارلر ايچين 7,6 متخصص عمله لر ايچين 10,9 چاليشمايان عناصر ايچين 7,1 مربع مترو اصابت ايتمكده در. ايسته بوندىن كوريليوركه عمله لر اك صوك موقعى اشغال ايدىيورلر. عمله مسكنلرى هر سنه كيتديكجه كوچولدو كى حالده پروله تهر اولمايان عنصرى مسكنى كنيشله مكده در. مسكن انشاآتى ساحه سنده كى عمومى وضعيت ، صنايعك ايلرويه دوغرو انكشافى ايچين بويوك بر تهلكه احضار ايتمكده در. بو كى حقيقتلره رغماً، دولتك انشاآت قوميسيونى بش سنه لك بلانچوسى ايله وضعيتى بو سنه نهايتندن اعتباراً داها، فنا بر شكله سوقاچقدرد. حتى قومسيونتك كنديسى بيله بو وضعيتى اعتراف ايتمكدن چكىنميور. 1926 اواخرنده اولان 11,3 مربع آرشيدن بش سنه صوكره يعنى 1931 ده 10,6 آرشينه اينه جكنه شبهه يوقدر.

ايش سيزلك

صنايعك بطى صورتده انكشافى ايش سيزلكدن باشقه هيچ بر ساحه ده بويله عارضه لى بر چهره عرض ايتمه مكده در. بو حال صنايع پروله تهر صفلرينى احاطه ايتمشدر. رسمى رقىملره نظراً 1927 تك نيسانده 1,478,000 ايش سيز موجوددى. حقيقى صايلرى ايسه تقريباً ايكى مليونى بوليوردى. ايش سيز عمله نك صاى چالیشان عمله نك

صاینه نسبتله کیتدی کجه آرتقمده در. دولت انشاآت قومسیونتک بش سنه لك پروگرامنه نظراً صنایعمر بو بش سنه لك مدت اثناسنده دائمی صورتده 400,000 عمله چالیشدیر اچقدر. کویدن آقوب کلن عمله نك عددی نظر اعتباره آلینرسه 1931 سنه سی نهایتنه قدر قادین و ارکک اولمق اوزره ایشیز عمله نك صایی 3 میلیونه قدر آرتاجفنه شبهه ایدیلهمه ز. بو حالک نتیجه سی ایسه باقیمسز چوجوقلرک، دیلنچیلرک و اخلاقسز قادین مقدارینک آرتماسنی تولید ایده جکدر. ایشیزلره ویریلن اهمیتسز تعینات، انفعاللری تحریک ایتمکده در. متوسط رقمه مذکور ایشیزلر 11,9 روبله آلمقده درلر که حربدن اولکی 5 روبله یه معادلدر. مساعی قانونی بو چوق توضیحی علاوه لرله توسیع ایدیلمشه ده دیکر طرفدن فنا بر حاله افراغ ایدیلمشدر. بعض عمله نك احتیاجات مادیه سنی تأمین ایدن شرائط خصوصیه قالدیر یلمشدر بالخاصه معین موسملرده چالیشان عمله ایله موقتی عمله لرک قانونی حمایه سی بوندن متضرر اولمشدر.

مدنی ساحه ده مکتب مسئله سنی قید ایتمک بالخاصه چوق اهمیتلی در. عمله لر، چوجوقلرینه ابتدائی تربیه ویرمک امکانتدن محروملر در. اهالی سی عمله اولان بوتون منطقه لرده مکتب یوقدر. ایی مکتبلره قبول ایسه عمله لر ایچین امکان خارجنده در. مکتبلرک آزلنی و آنا مکتبلرنده اهتمامک کافی درجه ده اولماماسی عمله چوجوقلرینک بر قسمنی سواقعه آتمقده در. (*)

کویلور آراسنده صنف آیریلقلری

صوك سنه لرده زراعت منطقه لرنده قوتلی بر قایتالیست صنفك تشكلی انكشاف ایتمكده در. طوپراقسز و طوپراقلری آز اولان غروپلر صوك دورت سنه ظرفنده یوزده 35—45 نسبتنده آزمشرسده ، 9 دن 10 ده سیاتینه (7—11 هكتار) قدر طوپراغه مالك اولان غروپلر عینی مدت ائناسنده یوزده 100 الی 120 نسبتنده آرتمشدر. 10 و داها زیاده ده سیاتینی اولانلر ایسه 150% دن 200% قدر آرتمشلردر طوپراقسزلرله طوپراقلری آز اولانلر ك مقدارجه آزماسی كندیلرینك خراب و بزباد اولماسنی موجب اولمشدر. مثلا: سییریاده بر سنه ظرفنده طوپراقسز عائله دن یوزده 15,8 ی و 2 ده سیاتین اراضی یه مالك اولانلر كده یوزده 3,8 ی محو و خراب اولش ایدی. شمالی قافقاسیاده بو نسبت یوزده 14,1 و یوزده 3,8 رقلری ایله افاده اولنیور ایدی. زراعت آلتلری ایله بیکیری اولمایان زارعلرك متوسط حاللی کویلور صنفه ترفیعلری ایله یاواش بر شكلده واقع اولیور. بواكون بوتون اتحاد داخلنده کی کویلور دن یوزده 30 الی 40 قدری حیوانسز و آلاتسدر. چیفتلكلری وارسده بونلرك قسم اعظمی فقیر کویلور غروپنه منسوب بولنیورلر.

شمالی قافقاسیاده مهم استحصال موادی بر وجه آتیدر: استحصالاتك یوزده 15 ی تقریباً یوزده 50 یی تشكیل ایدن ضعیف زارعه عائدر. زارعلرك یوزده 35 ینی تشكیل ایدن اورتا حاللی زارعلر ایسه استحصالاتك یوزده 35 ینه مالكدرلر. حالبوكه

مستحصللرک یوزده آنجق 15 قسمنی تشکیل ایدن قوتلی زارعلر ایسه استحصالک یوزده 50 سنه مالکدرلر. سیریا، اوقراینا و سائره کبی ولایتلرده دخی حال عینی مرکزده در.

اراضی و استحصالات موادی آراسنده موجود بو غیر مساوی تقسیمات مسئلهسی، مختلف زارعلر غروپی بیننده تقسیم ایدیلن حیوانات احتیاطنکده غیر مساوی اولماسیله داها حاد بر شکل آلمقده در. 1926 سنه سنک نیساتنده مملکتده موجود حیواناتک یوزده 58 ی یالکز یوزده 8 زارعلک آلنده بولنیوردی.

جیفتلیک ایجاری هر سنه کیتدی کجه بویوک بر وسعت پیدا ایدیور. ایجاره ویریلن مالکانه لر علی الاکثر اللرنده استحصالات موادی بولونان بویوک جیفتلیک زارعلرینک ید تصرفده بولنیور. اکثریتله بو قیل جیفتلیکلر ایجاری کیزلی صورتده وقوع بولیورکه، بوندن ده مقصد ویرکیلری ویرمه مکدر. حیوان و آلات زراعیه یه مالک اولیان فقیر زارعلر تارالارینی کیرا ایدیلمش حیوان و آلاتله ایشله یورلر. جیفتلیک ایجارنده اولدینی کبی آلات زراعیه و حیوان کیراسنده دخی مشاهده ایدیلن بو معامله عادتاً بر کوله لیک اصولی وجوده کتیریورکه بو مادی کوله لیکه مالی احتکار آل اله کیتمکده در. (*)

VII

بوروقراتیزم

سوویهت بوروقراسینک پروبله می یالکز بر قیرمیزی قوردون (Zitre) و اوفله نمش بر اداری آپاراتدن عبارت دکدر. اساس اعتباریله بو

بیورو قراسینک اوینادیغی صنفی رول مسئله سیدر. بونلرک اجتماعی
 ارتباط و سه میاتی سی حاکمیت و وضعیت ممتازده سی، اونک «نه پمان»ه،
 غیر متفنن عمله، منور و امی لره، سوویت «Exzellenz»ی اولان
 قادین و جاهل کویلو قادینلره قارشی اولان مناسبتنده در.
 عجباً مأمورلر کیمک طرفنی التزام ایتمشلر در؟ ایشته میلیونلرجه
 عمله نك هرکون حیاتی تجربه سنده ده نه دیکلری اساس مسئله بوندن عبارتدر.
 اوقتوبر انقلابی عرفه سنده له نین پاریس قوموناسینی مارقسیزم
 نقطه نظرندن تحلیل ایدرکن: «سوسیالیست اداره سی» تحتنده بولونان
 انسانلرک بوروقرات، (چینوونیک) اولمالرینه مکان یو قدر» دیمشدی.
 فقط شو بر قاچ سنده نبری سوویت دولتنک اداری آپاراتی نه کبی
 بر استقامته متوجه اولش و نه طرزده انکشاف ایتمشدر؟ قیمتلرک
 ساده لشمه سنه دوغرومی؟ یوقسه پروله تهرلشمه سنه می؟ عجباً شهر و
 کویلرده چالیشان کتله لره یا قلاشیورمی؟ حاکم و محکوملر بیننده کی
 اوچورو می دارالتیورمی؟ بوتون بو صایدیغمز ساحه ده عجباً بز ایلریه
 کیدیورمی یز؟ هیچ شبهه سیز بو سؤاللرک هیچ بریسنه نهوت جوابنی
 ویره بیله جک امکاتنده دکلز. (*)

بوروقراتیزم، بویوک حاکمیت شووینیزمنه استناد ایدرک اویله
 بر وضعیت احداث ایتدی که نتیجه ده سوویت مأموریت مقاملرینک
 ملیتلر میاننده تقسیمی ایچین بر مجادله و غاوغا منبعنه چه ویردی.
 بونگلده قالمیه رق (جنوبی قافقاسیا فده راسیونی) مرکزله حدود
 منطقه لری آراسنده کی مناسباتی ده اخلاص ایتدی. بو حاده ده طبیعتیله
 سوویت مفهومی ملیتلر نزدنده هیچ منزله سنه ایندیردی.

بو مختار جمهوريتلرده بوروقراتيق وحدتچيلكي او درجده
ايلرويه كوتوردی كه آرتق بو جمهوريتلر روس اهالی ايله محلی
اهالی آراسنده وقوع بولان اراضی دعوالرینی رؤیت و حل ایتمك
حقندن محروم بر وضعیتده بولنیورلر. حالا بو كونه قدر بو بویوك
حاکمیت شووینیزمی مختلف ملیتلره منسوب عمله لرك بر آرادده
بولونوبده قایناشمالارینه مانعه تشکیل ایدیور. (*)

دیگر ملیت و یاخود اقلیتلره قارشى بسله نن مخالفت حسی بر
طاقم منطقه لرده ملیت فکرنك انکشافنه سبب اولیور كه بوضاً
مهاجم بر وضعیت آلپور. بو کبی وقعه لرده علی الاکثر ملی لشدیرمك
ملی اقلیتلر حسابنه اجرا ایدیلمکده در. صوگره بوندن باشقه حدود
معامله لری ده ملی بر خصومت منبعی تشکیل ایدیورلر. بونك نتیجه
سندده فرقه، سوویت و عمله تشکیلاتنك مساعیلری ناسیونالیزم ايله
زهرلنمش اولیور.

اوقراینالیا لاشمق، تورکلشمك کبی ملی نمایلرک قارشى سی
یا لگز سوویت اتحادی مؤسساتنده بوروقراتیزم و بویوك حاکمیت
نمایلنك دفعی صورتيله آلنیر. ملی جمهوریتلرک حاکمیتی یا لگز
پروله تهر آلنده بولوندیقدن صوگره در كه مؤسسات دوغرو بر یولده
انکشاف ایده ییلیر. بو کبی مسائل بالخاصه (دون) و (باکو) کبی
صنایع مرکز لرنده غایت مهم در، چونکه بو ایکی منطقه نك پروله تهر
اهالیسی باشقه بر ملته منسوبدرلر. (**)

(*) صحیفه 88 - 89

(**) صحیفه 89 - 90

قومونیسټ فرقه‌سی اعضاسنک ماهیتی

I — فرقه‌مزك اجتماعي بڼه و سويه‌سی صوك سنه‌لر ظرفنده کیتدی کجه فنا بر حال کسب ایتمکده‌در. 1927 بر کانون‌ثانی‌ده فرقه اعضاسی صنف و طبقه اعتباریله:

صنایع و نقلیاتده چالیشان 430,000 عمله‌دن

زراعت و کویلو نزدنده چالیشان 15,700 عمله‌دن

نصفندن فضله‌سی الیوم دولت مأمورلری اولان 303,000 کویلودن و نصفندن فضله‌سی و قتیله عمله اولان 462,000 مأموردن عبارت بولنیوردی. شو صورتله بر کانون‌ثانی‌ده فرقه‌مز 1/3 صنایع مؤسسه-لرنده چالیشان عمله‌لر دن 2/3 کویلو، مأمور سابق عمله و «متفرقه» دن مرکب ایدی. صوك بر بوچوق سنه ظرفنده فرقه‌مز تقریباً 100,000 عمله غائب ایدی. 1926 ده فرقه‌دن میخانیکی بر صورتده 25,000 قومونیسټ اعضاسی خارج ایدیلمش که بونلرک 76,5 نسبتی صنایع عمله‌سی تشکیل ایدیور. بو یاقینلرده اجرا ایدیلن «تصفیه» عملیه‌سی — که عین زمانده یگی اعضا قبولی ایله نتیجه‌لنمشدی — (شبهه‌سیر حقیقتی سویله‌مه‌ین) رسمی معلوماته نظراً، اکثریتی صنایع عمله‌سی اولان 80,000 فرقه اعضاسی دیشاری آندی. حقیقی رقم‌لر ایله بو سنه ابتداسنده یگی قید ایدیلمش اعضانک صای بوتون فرقه اعضاسنک 93,5 نسبتی تشکیل ایدیور. شو صورتله کورولور که عادی بر عملیه نتیجه‌سنده فرقه اعضاسنک 6,5 نسبتی «تصفیه» عملیه‌سینه تابع دوتولمشد.

«تصفیه ایدیلمشلر میاتنده تقریباً یوزده 50 متخصص و 1/3 غیر متخصص عمله بولونیور. دیگر طرفدن 14 نجی فرقه قونفره سندن بوکونه قدر فرقهیه قسم اعظمی متوسط کویلو صفتیله 100,000 کویلو اعضا قبول ایدیلمشدر. تارالا عمله سنک موقع و نسبتی فرقهده هیچ یوق کبی در.

2 — فرقهیی اداره ایدن مؤسسه نك اجتماعی اساسلری ایسه داها فنادر. قضا قومیتلرنده یوزده 29,5 کویلو؛ 24,4 ده فکرآ چالیشانلر در. نهایت 81,8 نسبتی ده قومیته اعضاسی اولان دولتی مؤسسه مأمورلرندن عبارتدر. حکومت اداره ایدن مذکور فرقه مؤسسه سنده صنایع عمله لرینک صایی ده تقریباً عینی در. اوبلاست و ولایت قومیتلرنده بونلر 13,2، قضا قومیتلرنده ایسه 9,8 دن 13,2 قدر بر اقلیتی تشکیل ایدیورلر.

فرقهده موجود اعضانک تقریباً 1/3 قسمی صنایع عمله سیدر. فرقه نك اجرا مؤسسه لرنده ایسه 1/10 ی بولیور. بو وضعیت فرقه ایچین بویوک بر تهلهکه در. اصناف تشکیلاتلرنده کی وضعیت دخی عینی مرکزده در. حاکمیتک بویوک بر قسمنک کوچوک اصناف زمره لرندن کلمش «دائره مأمورلری» و «عمله بوروقراتلر» آلدنه بولوندیغنی اثبات ایچین بو مقدار کافیدر. بوده فرقه نك «پروله تهر- لشمه سی ایچین» اک قطعی بر یول کبی تلقی ایدیلیور.

3 — سوسیال رده وولیوسیونیرلر و مهنشه و یقلاک اهمیت فرقه آپاراتنده و اداره مقاملرنده عمومیتله اهمیت کسب ایتمشدر.

14 نجی قونفره زمانی مطبوعاتمزی اداره ایدن ذواتک 83 نسبتی دیگر فرقه لر دن بزه التحاق ایتمش بولونان اشخاصدن عبارتدی.

بوكون ايسه حال و وضعيتمز داها فنا اولمشدر. بولشهويك فرقه مطبوعاتي Marietzk و Steetzkى كى تفتيشجى (ره ويزيو- نيست) مكته منسوب «كنجلىر» و ياخود وقتيله ديكر فرقه لره منسوب اولش اعضاى الله بولمقده در. فرقه باشنده دوران بو قيل ذواتك تقريباً $\frac{1}{4}$ ي اسكى سوسىال ره ووليوسيونرلر و مهنشه و يقلىردن عبارتدر.

4 - بوروقرايىزم بوتون ساحه لرى اشتغال ايتمش و كيتديكجه توسع ايتمكده در. بالخاصه فرقه اداره سنده كوزه چارپان بو توسع وانكشاف عادتاً تخريب كار و احيا ايديجى بر حال آلمشدر. بوكونكى فرقه بوروقرايى و وضعيتى اشبو طرزده محاكمه ايدييورلر:

«بزييم فرقه اعضاى فرقه يى آكلاميورلر. بونلر ظن ايدييورلر كه فرقه، نمل طاشى اولان ناحيه لردن صوگره منطقه لردن و شو صورتله يوكسله رك مركزى قوميتيه اوزرنده مؤسسدر. بو تصور ياگلشدر (!!!). بزييم فرقه بالعكس يوقايدن آشاغى يه دوغرو تأسيس ايديلمشدر. بو ترسنه قورولش بوتون فرقه عملياتى و نظرياتنده حاكم بر اساس اولمايلىدر. فرقه نك داخل ده موقراسيسنه عائد Molotow, Uglanoff و Kagonowitsch كى مسئول يولداشلىك و يرديكى حكم، آشاغى يوقايدى عين فكردن عبارتدر، فقط بو فكر، مدهش بر تهلكه يى موجبدر.

اكر بزييم فرقه يوقايدن آشاغى يه دوغرو تأسيس ايديلمش ايسه او زمان بو فرقه يه لهين و عمله كتله لر ينك فرقه سى دينله مه ز، (*).

بین الملل وضعیت و حرب تهلکه سی

ایمپریالیستلرک سوویت اتحادینه قارشى یا باجقلى حرب یالکز
محتمل دکل، بالعکس غیر قابل اجتناب و محقق در. بر طرفدن
بو تهلکه یی تأخیره اوغراتمق دیگر طرفدن ممکن مرتبه سوویت
اتحادینک قوت کسب ایتمه سی و بین الملل انقلابی پروله تهریاتی
قازانمق ایچین وقت آلدہ ایتمک بزیم باشلیجه مسئله مزى تشکیل
ایتمه لی و بو کا غیرت صرف ایتمه لیدر. بو حرب تهلکه سنی یالکز
محکوم مملکتلرده پروله تهر انقلابنک قازاناجنى غالبیت بر طرف
ایده یلیر. عمومی جهان حربنک تهلکه سی آشاغی ده کوستره جکمز
سیلردن دولایى محقق وقوع بولاجقدرد:

1 — صوک سنه لر طرفنده سرمایه نك قوت کسب ایتمک ایچین
مراجعت ایتدیكى واسطه — که قسماً دخى موفقیتله نتیجه نمشدرد
— اک ایلری کلن مملکتلى اخراجات بازارى آراسنه
سوق ایتمشدرد.

2 — بر طرفدن ایمپریالیست بورژوازی، سوویت اتحادینک
اقتصادی حاکمیتنک انکشافنه مانع اولوش دیگر طرفنده
پروله تهریات دیکتاتورلنى خارجی تجارتی انحصار آلتنه آلمش
بولونیور. بناءً علیه بو شرائط تحتندہ سرمایه دارلر روسیه ده
آچیق بر تجارت بازارى بولمق امکالتدن محروم بولنمش اولیورلر
3 — ایمپریالیست بورژوازی سوویت اتحادینک داخلی مشکلاتنى
ایله احتکار یایور.

4 — انكلترده ياپيلمش عمومي غره و ايله چين انقلابك مغلوبيتي ،
ايمپرياليستلرده روسيه اتحادينك احيا ايديلمكه مساعد اولديني
قناعتني حاصل ايتمشدر.

انكلتره ايله سوويت اتحادي بيننده كي مناسبات سياسيەك انقطاعي
اسكيدنبري بر تهلکه تشکيل ایدیوردی. چين انقلابك مغلوبيتي
ايسه بوني داها زياده تسريعه سبب اولدی. بو ايسه حقيقتاً بزيم
مرکزی قوميتەك چينده حقيقي بر بولشهويك انقلابك تطبيقتده
کوستردیكي چکينکنيك و ضعفدن ایلری کلیوردی. بو حادثه يي
تجاری بر ماهيتده تفسير ايتمش اولورسه ق خطا ياپمش اولورز.
(«بز اونلرله آمهريقاليلرله ياپديغمز کبی تجارت ياپاجغز».)
انكلترهك بوكون معظم و کنیش پلانلر قوردیني ميدانده در.
«معنوی مانداته» مالک اولان مختلف مملکتلرک بورژوازیسی سوويت
اتحادينه قارشى بر حرب حاضر لامقده و ممکن مرتبه ديکر واسطه لر
ايله يعنى لهستان ، رومانيا ، بالتیق دولتلری حتی یوغوسلاويا ،
مجارستان و ايتاليایي ييله بزه قارشى اولاجق حربده اشتراك
ايتديرمک ايستيورلر. لهستان بزه قارشى حرب حاضرلقلری ايچين
اوزون بر مدت ايستيور فقط بوگا مقابل انكلتره اولدقجه سرعتله
اونی حربه سوق ايتمک نيتنده در.

فرانسه ده ، انكلترهك سوويت اتحادينه قارشى ياپمق ايسته ديكي
متحد جبهه بر قسم نفوذلی بورژوازی طرفدن حمايه و تشويق
ايديلمکده در.

آلمانیا دیپلوماسیسی bloßsteller جه غره دوغرو بر تمایل
اولدیغنی آچیقجه سنه اکورمکده یز. آلمانیا بورژوازیسی شیمیدین

سوویت اتحادینه قارشى ياپيلاجق حربده ابتدا بيطرف قاجغنى اعلان ايدىيور. (1914 ده آمهريقانك ياپديغى كى) بونلر حرب نتيجه سنده اولديتجه قازانمق و صوگره كندى بى طرفلكلرني غرب ايمپه ريا- ليزمه يوكسك فيائله صاتمق ايستيورلر. آلمان بورژوازي سنك غربه دوغرو اولان تمايلنى كورمه مك سوويت اتحادى ايچين عفو ايديلمه ز بر خطا اولور. آلمان بورژوازي سى طرفدن هيچ بلكه نيلمه دن اينه جك بر ضربه بزي م ايچين بلكه ده حل ايديجى بر ماهيتى حائز اولور. «حقيقتى اولديغى كى سويله مك»، سوويت اتحادنده كى عمله لك متيقظ بولونمالرى يا بزي بو آلمانيا طرفدن وقوع بولاجق ضربه دن مصون براقا بيلير ياخودده آلمان بورژوازي سنى متردد بر وضعيته بولوندورور. ژاپون بورژوازي سى سوويت اتحادينه قارشو ياپديغى مانورسنده آلمانلردن هيچ ده كرى قالميور. ژاپونلر ايزلرني صاقلامق اصولنى بيلديكلرندن پك دوستانه بر وضعيت طاقينمشلردر. اونلر حتى بر مدت شرق دمير يوللرينك Tschang Tsolin طرفدن اشغاله بيله مانع اولديلر. فقط آرقاده ايسه حكومتى آلرنده بولوندرمقده درلر و كونك برينده بزه قارشو قوللانديقلرى ماسقالي آتاجقلىرینه شبهه يوقدر.

ياقين شرقده، توركيه و ايرانده، بزه قارشو اچيلاجق ايمپه ريا- ليست هجومي اتناسنده بى طرفليك محافظه سى ايچين هيچ بر شى* ياپمديغمز كى بو خصوصده هيچ بر قارانتى مزده يوقدر. بناء عليه بز شيمديدن بو حكومتلر اوزرينه ايمپه ريا ليست دولتلر طرفدن اولاجق تضيقه و اونلركده بوگا تابع اولاجقلىر احتماله حاضر لانمالي يز. شيمديه قدر دشمن وضعيتنده بولونان آمه ريقا بويله بر هجوم

اتاسنده مهم بر رول اوینایا جقدر. بو رولك اهمیتی چوق مهم در. چونکه بوتون حربی، مالی خصوصه تأمین و اداره ایدن او اولاجقدر.

خلاصه، 1923 دن 1925. قدر بر چوق بورژوازی دولتری سوویت اتحادینی تانیمش اولدیلسه ده، فقط اصل مناسباتك انقطاعی شیمیدن صوگره باشلامقده در. بو زماندن اولکی تصدیق و تانیمالر، صلح و مسالمتك تأسس ایتمش اولدیغنی ده ارائه ایدمه زلر. مع مافیه، شیمدیکی دورك قطع مناسباتی، حربك یاقین بر استقبالده وقوع بولاجغنی کوستره جك ماهیتده دکلدر. فقط بزیمن المل وضعیتك غایت کرکین اولدیغنه، و سوویت اتحادینه قارشی باشلایاجق هجوملرک پك محتمل اولدیغنی بر دورده بولوندیغمه اصلا شبهه ایدیلهمز. سرمایه دارلر دنیاسنك موجود بویوک اختلافلری، جهان بورژوازیسنك بزه قارشی متحد بر جبهه آلماسنی اوزون مدت اشکاله اوغراته جقدر. فقط بوکا مقابل بر طاقم بورژوا دولترینک معین بر مدت ایچین برلشمه لری امکان خارچنده دکلدر.

بین المل وضعیتمزه پك تهلکه لی اولدیغنی فرقه مز دوشونمیلیدی و فرقه، بین المل سیاست مسئله سنی کنیش اهالی کتله لری قارشیسنه وضع ایتمه لی، جدی و اطرافلی صورتده مملکتده حرب زمانی مدافعه سی چاره لرینه باقمالیدی.

پك طبیعی درکه بوتون بورژوا فرقه لری سوویت اتحادینه قارشی حاضر لادیقلری حرب حقنده بوتون رسمی سوسیال ده مو- قرائیق عمده لری ترویج ایدن ملتله یا گلش معلومات ویره جك و ایمپریالیزمک حقیقی قداقته رینی کیزلیه جکلدر. بوکون بزیمن

اك مهم وظيفه مز، وقوع بولاجق حربك ايمپرياليستلر و ياغماچيلر طرفندن برنجى پروله نهر دولتى و اونك ديقتاتورلغنه قارشو آچيلمىش اولديغنى بوتون جهانہ اعلان و ايضاع ايتمكدن.

غايه و مقصدمزك اجراسى ايچين شو اساسلىرى وضع ايتمه لى يز:

- 1 — محو اولسون ايمپرياليسترك عمله دولتى و پروله تهرات حاكميته آچاجقى حرب. 2 — ايمپرياليسترك حربنده، سوويت اتحادينہ قارشو هجوم ايده جك مملكتلرده حربك بر وطنداش محاربه سنه چه وريلمه سى. 3 — سوويت اتحادينہ قارشو حرب ايده جك بوتون بورژوا دولتلىله حرب ايتمك. قايتا ليست مملكتلرك هر بر ناموسلى عمله سى بو ايشه مداخله و اشتراك ايدرك «كندى» حكومتى صلح و مسالته دعوت ايتمه ليدر. 4 — «كندى» مملكتنك عمله ياغما كرلرينه يارديم ايتمك ايسته مه ين هر بر اجنبى عسكر قيزيل اوردويه داخل اولما ليدر. چونكه سوويت اتحادى بوتون عمله لرك وطنى در. 5 — «وطن مدافعه» سى ناميله ميدانه آندىقلىرى شعار ايمپرياليستلره قارشى مىلى دعوا آچمىش مستملكه و نيم مستملكه لر استثنا ايديلمك شرطيله، جهانكيرليك كوز بويوجى و آلداديچى واسطه سيدركه بوده كندى منافعلرينى تأمين و مدافعه يى تضمن ايدر. فقط سوويت اتحادينك ايلرى سوردىكى «وطن مدافعه» سى شعارى پك دوغرودر. چونكه بز عمله حركتنى بوتون جهان مقياسنده مدافعه ايدن بر سوسيا ليزم وطنى تأسيس ايتمك ايسيتوروز. 6 — بز آرتيق 25 اوقتوبر 1917 دن اعتباراً «بوتون مدافعلىز» بريم «وطنپورانه» حربمز، سوويت جمهوريتى و برنجى بين الملل سوسيا ليزم اوردوسى نامنه ياييلاجق بر حربدر. وطن مدافعه مز

بروله‌نەر حاكىمىتى مدافعه اىتمكدن عبارتدر. (*) حربك بونون
چيركىلىكى و باياغى لغى ايله 1914 دن 1918 م قدر اوينايدىغى رولدن
داها بدتر بر شكل آلاخفه شبهه يوقدر.

فرانسز Paul Bohcon شىمدىدن عمله صنفك خيانتى رفع
و بورژوا دىقتاتورلغى وقايه اىتمك ايچىن بر قانون وضع اىتمشدر.
انكلترده عمله تشكىلاتك مركزى قومىتهسى Woikow ك قاتلنى
مدافعه اىتمكله برابر چينه‌ده عسكر سوق ايدىلمه‌سینه مساعده ايدىيور.
آلماناده Kautsky سوويت حاكىمىته قارشو جدرى بر اختلاك مشوقى
بولنىور و آلمان سوسىال ده موقراتلرىنك مركزى قومىتهسى بر «بومبا،
هجومنه» حاضر لانمقدهدر. فىنلاندىا و لىتوانىانك سوسىال ده موقرات
ناظرلرى، لهستانك سوسىالىست فرقهسى سوويت اتحادينه قارشو
يايىلاجق حربيه ياردىمده بولونمايه دائما آماده‌درلر. آمهريقا عمله
تشكىلاتى اتحاديه زهرلى اختلالچى لر كى سوويت اتحادىنك تصديق
ايدىلمه‌سینه قارشى مجادله ايدىيورلر. بالقان دولترىنك «سوسىال-
لىستلى» ايسه كندى عمله لرىنك جلادرىنى مدافعه ايدىيور و
دشمن سوويت اتحادينه قارشو يايىلاجق حربيه اشتراك اىتمكه
حاضر بولنىورلر. آوستريا سوزده «سوويت اتحادى طرفى» التزام
اىتمش بولنىورسده، لاكى محاربه اتاسنده قاپىتالىستلر طرفه
كچه جكلرىنه شبهه يوقدر. (**)

(*) صحيفه 117 - 121

(**) صحيفه 133

قاپیتالیزمک احياسی و قومونینست آنه رناسیو نالینک تاریخی

انکتره ایله آرامزده موجود مخالفت، داخلی و خارجی مشکلاتک ایقاع ایتمش اولدیغی تأثیرله بزده حاکم وضعیته بولونان اکثریت شو پلانی تطبیقه متمایلدر:

آرزو ایدرلرسه چار حکومتک اسکی بورجلرینی تانیسنلر، خارجی تجارت انحصارینی قسماً قالدیرمش اولسونلر، چیندن کیری چکیلسینلر یعنی معین بر مدت ایچین چین انقلابنده یاردیم و علی العموم ملی انقلابی حرکتدن صرف نظر ایتمش بولونسونلر. مملکت داخلنده صاغه دوغرو تمایل و حرکت کوسترمک و «نهپ» ایله خصوصی قاپیتالیزمه آزیچق میدان ویرسینلر. ایشته بو پلان نتیجه سنده حرب تهلهکسندن آزاد اولق، سوویت اتحادینک بین الملل وضعیتنی اصلاح ایتمک و داخلی مشکلاتی بر طرف یاخود آزالتمق ایستورلر. کورلیورکه بو پلان قاپیتالیزم اوزرینه مؤسدر. فقط اونو تامامالی که بو «مانوره» بو کونکی شرائط داخلنده سوویت حاکمیتک بر قاپیتولیساسیوتندن و «نهپ» دن آیریلمش قاپیتالیست ملتزمکنندن، قاپیتالیزمه کچمک عملیه سندن باشقه بر شیء دکلدر. یگی دن داها قوتلی هجوملر حاضر لاق و صوکره حربه کچمک ایچین ایمپریالیستلر بزیم بوتون امتیازلریمزی قبول ایده جکلدر. نتیجه ده آتی قومونینست عنصرلرک بو امتیازندن بالاستناد «قولا لاق» لر «نه پمان» لر و بوروقرالر فرقه علیه متشکل بر وضعیت اکتساب ایده جکلدر.

بزیم بوتون «خط حرکتز» یگی بورژوازمی اجنبی بورژوا-
لری ایله غایت صیقی بر باغله باغلایه پیلیر. سوویت اتحادینک
اقتصادی انکشافی کاملاً بین الملل قاپیتالست قوتزولی آلتنده
بولونمقده درکه اودونج آلدیغمز هر بر «پهن»ه مقابل بر روبله
کوله لك تأدیه ایتمک مجبوریتنده بولنیورز. ایشته بو، عمله صنفی،
بویوک و کنیش کویلو کتله لرینک سوویت دولته قارشو بسله دیکلری
اعتمادی غائب ایتدیره جکدر.

شبهه سیز بز ممکن مرتبه حربدن خلاص اولوق چاره لرینه توسل
ایتمه لی یز. مقصدلده بوتون اساسلری تحکیم ایتمه لی، متحد بر
جبهه آلمالی و جهان انقلابی خط حرکتنی مدافعه ایدهرک اُتهر-
ناسیونالی تقویه ایتمه لی یز. یالکز بو صورتله بوتون اساسلری میز
تخریب و امحا ایدوب حرب امکاتنی تأخیره اوغراتیر و بین الملل
پروله ته ریاتک یاردیمنی قازانا بیلیرز.

له نینک قاپیتالستلره ویردیکی امتیازلردن مقصد، حرب احتمالی
بر طرف ایتمک و بین الملل سرمایه یی اهورن شرائطه مملکته ادخال
ایتمک ایدی. فقط هر هانکی بر شرائط تحتنده اولورسه اولسون
له نین، هیچ بر زمان خارجی تجارت انحصارینی تخریب ایتمه دی،
زنکین کویلولره سیاسی حق ویرمه دی و جهان انقلابی یولنده کی
خط حرکتنی دکیشدیرمه دی. (*)

کورجو مسئله‌سی

(ولادیمیر ایلیچ) هر شیء دن اول کورجی مسئله‌سنه بویوک بر اهمیت عطف ایدیوردی. بو اهمیت یالگز کورجستانده تطبیقی محتمل ملی بر سیاستک تولید ایده یله جکی قورقودن ایلری کلیور (او یله بر قورقو که کنديسنی پک دوغرو اولاراق حق ایتدیردی) بالعکس استالینک ملیت مسئله لری حقنده کی قناعت و دوشونجه لرینک فنا بر عاقبت احضار ایده جکی اندیشه سندن ایلری کلیوردی. له نینک غایت مهم و قطعی مکتوبنی بو کونه قدر فرقه دن کیزلی صاقلادیلر. «له نین مکتوبنک فرقه ده او قونماسنی آرزو ایتیمور، دیه زک نام معناسیله یالگش بر قاجاماق یولی یاپدیلر، عجباً له نین مطالعه ایتمش اولدیغی کتابلرک حاشیه لرنده قید ایتمش اولدیغی بعض نوط و قیدلرک نشر ایدیلمه سنی آرزو ایتمه زمیدی؟ طبیعی اونلر بونی یاپمادیلر، مخالفته قارشو اولان یازیلرینی نشر ایدرک ملیت مسئله لرینه تعلق ایدن و کندی پروغرامنده یر بولان له نینک مکتوبنی کیزلی صاقلادیلر. بو مکتوبدن ایکی پارچه قید ایدیورز: «ظن ایدیورم Stalinک استعجالی امر و اداره سنده کی زورلامه سی با خصوص بدنام «سوسیال شووینیزم» قارشو بسله دیکی نفرت بوراده اصطلاحی غیر قابل بر روئ اوینامشدر». (له نینک 20 دیقاهر 1922 تاریخلی قیدندن).

سوگره 31 ديقابر 1922 ده کي قيدنده داها سرت بر افاده ده
بولامشدر: «بويوك روس ملي سفرى ايچين طبعي در. استالين و
(ده زرزينسكى) بي مسؤل دوتماليدر».

12نجى قونغيره اشتراك ايده ميه جكنى حس ايتديكى بر زمانده
بگا بر مکتوب کوندرمشدى. حيات سياسيه ده اشتراكك صوكل
اکونلرنده آلدیغم شو مکتوبى آشاغى په درج ایدیورم:

غایت مخفی و خصوصى در.

قیمتلى آرقاداش تروچكى!

مرکزی قومیتده کورجی ایشلرینی مدافعه مسئله سنی عهده گزه
آلماگزی رجا ایدرم. بو ایشلر حقنده بیان مطالعه ایتمک استالین و
(ده زرزينسكى) په عائددر. فقط بو آداملرک شو مسئله ده بی طرف
بر وضعیت آلاچقارینه اعتماد یوقدر. بو مدافعه یی درعهده ایتمش
اولورسه گز راحت و مستریح اولورم. بعض سبیلردن دولایى بو
مسئله یی قبول ایتمه دیکگز تقدیرده تکمیل اوراقى بگا کوندریگز.
اعاده کیفیتنى سزک رد گزه بر اشارت تلقى ایده جکم.

اک صمیمی آرقداشلق سلاملریله

له نین طرفدن M. V. په دیکنه ایديلمشدر.

5 مارت 1923

تروچكى يولداشه!

ولادیمیر ایلیچک رجاسی اوزرینه، سزه تلفونله کوندرمش
اولدیغی مکتوبه علاوه اولاراق خبر ویره ییم که يولداش Kamenew

صالی کونی کورجستانه عزیمت ایډیور. له نین ، کورجستانه عزیمت
ایتمک اوزره سزک طرفگزدن ده بر آدامک کیدوب کیتیمه جکني
صوریور.

امضا M. Woloditschinowa

5 مارت 1923

Macharatsche, Mdivani و دیگر یولداشلره.

(صورتی تروچکی ، قامه نه ف یولداشلره).

قیمتلی آرقاداشلر!

بوتون قلبله وضعیتگزدن مضطربم. Ordjanikidze نک
صایغیسزلغنه و استالین ایله (دزه رترینسکی) نک اوگا موافقت ایتمه لرینه
فنا حالدہ قیزدم. سزه مکتوب و نطق حاضر لامقله مشغولم.
احترامله

له نین 6 مارت 1923

قامه نه ف یولداشه (صورتی تروچکی به)

Leo Borisowitsch

سیاسی بورونک رئیس صفتیله سیزه تلفونله ویردیکم معلوماته
علاوه شونلری خبر ویریورم:

31 دیقابر 1922 ده سیزه سویله دیکم کبی ، ولادیمیر ایلیچ
ملیتلر مسئله سی خصوصنده بر مقاله دیکته ایتمش دی. بو مسئله دن
دولایی صوک درجه مضطربدر. مقصدی بو حقدہ فرقه قونغرہ سندہ

بر نطق ایراد ایتمک ایدی. خسته لغندن اول بگا بو مقاله نك بر مدت
صوگره نشر ایديله جكنی سویلمش ایدی فقط صوگره هیچ بر
امر ویرمه دن خسته لندی.

ولادیمیر ایلیچ بو مقاله یی پك موافق و مهم تلقی ایدیور.
کندی آرزوسيله بو مسئله یه متعلق ملاحظاتی فرقه قونفره سنده بیان
و تمثیل ایچین تروچکی یی — که فکرلریمز آراسنده هیچ بر
تخالف یوقدر و بوتون نقطه لرده توافق ایدیورز — انتخاب ایدی.
مقاله نك بر نسخه سی بنده در. ولادیمیر ایلیچ ك امرینه نظراً خصوصی
و مخفی آرشیوده محافظه ایدیلیور. خسته لغدن یگی قالقاراق ایشه
یگی مباشرت ایتدی کم ایچین بونی شیمدی خبر ویریورم.

L. Fotiewa

یولداش له نینك خصوصی کاتبی

16 مارت 1923

Adolf Joffe نك صوك سوزى

له نينك وفاتنى متعاقب بولشه ويق حكومتي باشنده اولان اشخاص ميانده سياسته وقوع بولان تبدلات كندى هائله وي انعكاسنى Joffe نك اتتجارنده بولمىدى. Joffe انقلاب كونلرنده له نينك اطرافنده بولونان قدرتلى و چاليشقان آداملردن برىسى ايدى. (راقوفسكى) اكبى اوده طب تحصيل ايتمىدى. او بوتون حياتى قومونيست حر كاتنه وقف ايتمش عزم و ثباتلى جرئلى بر شخصيت ايدى. 1905 دن اعتباراً يالگوز انقلابه اشتراك ايتمكله قالماش، حبسه آلمش، سيبيرياده آغير كورهك جزاسنه ييله محكوم ايديلمىدى. Joffe نك اوقتوبر انقلابى و بونى متعاقب مجادله كونلرنده مهم بر رولى اولمىدر. او انقلابى عسكرى قوميته باشجيلرندن اولوب پترسبورغده حقيقى اختلالدن اول حاكميتى الده ايتمش بولنيوردى. بوندن سوگړه او زمانلر له نينك و على العموم بولشه ويق حكومتك تصويى ايله پك مهم اولان ايكي ديپلوماتيك موقعى اشغال ايتمىدى: بونلردن برىسى برهست ليتووسق هيئت مرخصه سنده رياستى ديكریده برلين سفارتى ايدى. بونى متعاقب جنديه اعزام ايديلمش هيئت اعضاسى اولش و بالاخره ژاپون سفيرى تعيين ايديلمىدى. بوتون بونلردن سوگړه 16 تشرين ثانى 1927 ده Joffe شاقاغنه بر ره وولوده دايامش و بر قورشونله اتتجار ايتمىدى. ثولوركن ماحهسى اوزرنده تروچكى يه بر مكتوب ترك ايتمش. بو مكتوبك فعاليتى و اتتجار سبيلرى حقنده معلومات يازيلى در. ايشته مكتوب:

عزیزم له‌ئو داویدوویچ!

بن بوتون حیاتم مدتجه، بر سیاسی کیده‌جکی یولی وقتنده قطع ایتمه‌لیدر، فکرینه صادق قالش و او فکری داشیمشم‌در. ایشته اوتوز سنه‌دن فضله اولیور که بن انسان حیاتنک اهمیت و قیمتی یالکز ابدیته خدمتده کورمش و او فلسفه ایله یاشامشم‌در. بشریت بزیم کبی لر ایچین ابدی‌در. بونک خارجنده قالانلر ایچین ابدیت یوقدر، بناءً علیه بونلره چالیشمانگده اهمیتی یوقدر. اکر بشریتک داها باشقه بر معناسی وارسه، او مضاده اوزاق بر استقبالده تبلر ایده‌جکدر که اوده بر ابدیتدن باشقه بر شیء اولیه‌جقدر. بن حیاتنک معناسی یالکز بونده کورمشم‌در. شیمدی بن آرقایه یعنی ماضی‌یه باقیور و 27 سنه بزیم فرقه صفرلنده کچیردیکم حیاتی اکوریورم. بوتون بو مدتده کمال اطمئنانله سویله‌یه بیلیرم که حیاتنک معنا و فلسفه‌سی یوقاریده سویله‌دیکم پره‌نسیب اولشدر. بن دائماً «بشریتک سعادت ی اوغرنده چالیشماق و مجادله ایتنک» شعارینه صادق قالمشم‌در. ایشته بونک ایچیندر که حیاتمده بر کونک ییله معناسز کچمه‌دیکنی حقلی اولاراق ادعا ایده بیلیرم.

بوکون ایسه آرتیق حیاتنک معناسز اولدینی زمانک حلول ایتدیکنی حس ایدیور و بونک ایچینده اونی ترک ایتنک و اوکا نهایت ویرمه‌که کنیدی مؤظف بیلورم.

بزیم بوکونکی فرقه ارکانی سنه‌لردن بری عمومی سیاستلری اولان قومونست مخالفلرینه هیچ بر وظیفه ویرمه‌هلرینه رغماً بگا

كرك سياسته و كرك سوويت قورولوشنده چاليشمايه مساعده
 و يرديلر. ديكر طرفدن بنم استعداد و قابليتده ايشك مقصد و ماهيته
 تماميله توافق ايتمش بولونيوردي. سزكده يلدېكگز وجهله صوك
 سنه لر ظرفنده سياسي بورو بنى مخالفت طرفدارى بولوندوغم ايچين
 سياسي فعاليتدن محروم ايتدى. صحتم كيتديكجه فنا لاشيوردي.
 ايلولك 20 سنده كنديمجده مجهول بر طاقم سبيلردن دولايى
 مركزى قوميتەك طب قوميسيونى متخصص طبييلر طرفدن معاينه مى
 طلب ايتديلر. بونلر بكا صحتمك پك مهلك اولديغنى و موسقواده
 بر كون يله بكله مەدن خارجى مملكتلره كيدرك اوراده كى
 ساناتوريو ملرك بريسنده ير بولماي قطعى صورتده بيان ايتديلر. بنم،
 خارج مملكتلرده ايى لشمك ايچين نه كى شانسلر اولديغنى، عجباً
 روسيه ده قالوبده ايشلر يى ترك ايتمه دن تداوى ممكن اولوب
 اولامياجنى سؤالمه قارشى، دوكتور و آسيسانتلر مركزى قوميتەك
 دوكتورى يولداش Abrussow و قرملين خسته خانه سى سر طبيي
 روس ساناتوريو ملرك هيچ بر وجهله يارديم ايده ميه جكلرينى و
 تداوى ايچين يالگز غربه كيتمك لزومنى درميان ايتديلر. بونلر
 اوزون بر مدت فعاليتدن چكيلمه ك ايچاب ايتديكى توصيه
 ايتمكي ده اونو تماشلردى. ايكي آى مركزى قوميتەك طبييلر قوميسيونى
 كندى تشبثلرينه رغماً، بنى خارجه كوندرمك ياخود داخلده تداوى
 ايتمك ايچين هيچ بر تشبثده بولونماديلر. بالعمكس شيمدى يه قدر
 لزوملى علاجلرى و يرن قره مل اجزا خانه سنه من بعد علاج و يريلمه-
 مه سنى امر ايتمشلردى. شو صورتله شيمديه قدر استفاده ايتديكم
 تداويدنه محروم براقيلمش بولنيورم. بو غالباً، حاكم غرويك

مخالف يولداشلره قارشو «مخالقلرى يره سرا» ديدىكلرى زمان
وقوع بولمىدى...

بر مدت بوندن اول، اجنبى مملكتده بولوندوغوم زمان خصوصى
مه موآرلر يمه نشر ايچين 20 يىك دولارلق بر تكليف واقع اولمىدى.
فقط بونك سىياسى بورو سانسورندن كچه جكنى بىلدىكم ايچين و
مملكتمزده انقلاب و فرقه تارىخىك ناصل تحريف ايدىلدىكى
بىلدىكمدن بويله بر ساخته كارلقه اليمى قارشىدىرمق ايسته مه دم،
سىياسى بورونك سانسور ايشى، بگا منفرد ذواتك و اونلرك
يادىقلرىنى حقيقى صورتده تحريف ايتىمكى منع ايتىمىدن عبارت
اولمىدر ايشته بونك ايچيندر كه بوكون نداوى ايچين مركزى
قوميتهدن پارا آلاميورم. مركزى قوميت 27 سنه لك انقلابچى حياتىك
يىك دولار قيمتمىده اولمادىنى فكرنده در. بو آرتىق بىم بوندن
صوكره حياتمه نهايت ويرمك زمانىك كلىكنه سبب تشكيل ايدىيورم.
بن، فرقه افكار عموميه سنك اتىحارى تصويب ايتىمىدىكى بىليورم،
فقط وضعيتى دوشونلرجه هيچ بر زمان محكوم ايدىللميه جكمه
قانعم. اكر صحتىم مساعد اولمى اولسه يدى، فرقه نك بوكونكى
وضعيتى ايله مجادله ايتىمك قوتى و استعدادىنى كندىمده بولوردم.
فقط بىم بوكونكى حالم فرقه دن اخراج كىفيتنى سكوتله قارشىلامق
و بوگا تحمل ايتىمك امكانىنى ويرمىيور. بن ار كه ج بر بحران حصوله
اكلى جكنى و فرقه بى تحزىب ايدنلرك دىشارى يه آتيلاجىنى بىليورم.
ايشته بو نقطه نظردن بىم ئولومم بوگا قارشى بر پروستو ماهيتنى
حائزدر.

بر بویوک و بر کوچوک حادثه‌یی بن سزك و Sinowijew ك فرقه‌دن اخراج ایدیلمه‌گز کبی تاریخی حادثه‌یی — که انقلابك امحاسی دیمکدر — 27 سنه لك مسؤل انقلابچی بر فعالیتدن صواکره شیمدیکی کندی حالمه مقایسه ایتدیکم زمان، قافامه بر قورشون صیقاقدن باشقه بر چاره بولیورم، چونکه بو هر شی دن زیاده بو کونکی اداره نك یادیغی هر ایکی حادثه‌یی تصویر ایدیور. بلکه بو ایکی بویوک و کوچوک حادثه بر آراده فرقه‌یی اوچورومه کیدن یولدن رجته سبب اولایلیر.

عزیزم Leo Dawidowitsch بز اون سنه لك مشترك بر مساعی و شخصی دوستلغه يك دیگریمزه مربوط بولنیورز. ایشه بو رابطه شو حیاتمك صوك دمنده سزده کوردیکم ضعیف بر جهتی سویله‌مه‌مه حق ویریور. بن هیچ بر زمان سزك تخمین ایتمش اولدیغکز یولك دوغرو اولدیغنده شبهه ایتمه‌دیم. و سزجه معلوم‌در که 20 سنه‌دن بری «دائمی انقلابك» ابتداسندن سزك طرفکزی التزام ایتشم‌در. فقط بن سزده بر نقیصه کوریورم. اوده، بر احتیاج قارشینده له‌نین ثباتك سزده بولونماماسیدر. 1925 دن اعتباراً سز سیاستده دائماً حقلی اولمشسگزدر. سزه مکرراً آکلاندیغم وجهله، 1925 ده له‌نین کندیسینك دکل، سزك حقلی اولدیغکزی اعتراف ایتمشدی. ئولوم قارشینده یالان سویله‌نمه‌ز بن بونی سزه تکرار ایدیورم. فقط سز متعدد دفعه‌لر ائتلاف مقصدیله حقلی بر نقطه نظر دن رجعت ایتمشسگزدر. بو بویوک بر خطا‌در. تکرار ایدیورم. سیاستده بز دائماً حقلی اولمشز. شیمدیده هر کمسه‌دن زیاده سز حقلی سگز. کونك برنده بونی فرقه آکلایاجنی کبی، تاریخده تصویب ایده‌جکدر.

بعضی‌لرینک سیزی ترک ایدە جکلرندن و بر چوقلرینک بزی
آرزومز کبی سزه کیج التحاق ایدە جکلرندن هیچ قورقمايگیز.
حق سزده در. فقط موفقیتک سری ، موثوقیتی و متین بر ثبات در که
ولادیمیر ایلیچک موفقیتک سری ده بوراده در. بن بونی چوق دفعه لر
سزه سویلمک آرزوسنده بولوندوم فقط یالگیز شیمدی یاشایگیز
دیرکن سویلیورم. سزه دائماً ابراز ایتدیگیز کبی جسارت و قوت
قطعی بر موفقیت تمنی ایدیورم. سزی قوجاقلار و چوق یاشایگیز
دیرم.

سزک A. Joffe

Rusyada hakikî vaziyet

Leo Troçkinin

Almanca neşrolunan eserinden Tercime

Berlin 1929

